

Табасарандин сес



Табасаран райондин
жямьяьтлугъдинна - политикайин газат



Голос
Табасарана

№ 27 (1171) Жвуми, 5-пи июль, 2024-пи йис (2001-пи йисан 5-пи майдианмина удубч1вур)

Мы вместе! А вместе мы обязательно победим!



23 июня, террористы атаковали религиозные объекты в Махачкале и Дербенте. По последним данным, жертвами бесчеловечного преступления стали 21 человек. «Погибли два гражданина, исповедующие православие, остальные — мусульмане, причём большинство из них — сотрудники полиции», — сказал глава республики Сергей Меликов в беседе с журналистами.

По ходатайству главы региона мужество и отвага дагестанцев, вставших на пути бандитов, были отмечены Владимиром Путиным. Им присвоены награды, соотносимые с теми, которые сегодня получают военнослужащие СВО.

Нельзя сказать, что дагестанцы испытали шок. Интернет наполнился кадрами в высшей мере бесстрашного поведения наших земляков. Местные жители координировали действия силовиков на знакомых им узких улицах, поддерживали словом и делом, а история двух дагестанских мальчиков, которые несли правохранителям воду в зону, где совсем недавно происходила стрельба, покорила всю Россию.

Сегодня многие жители Махачкалы и Дербента несут цветы не только к атакованным террористами синагогам и храмам, но еще и к памятнику Братству трех религий в дербентском переулке Казем-Бека. Он представляет собой фигуры трех сидящих рядом священнослужителей — православного, мусульманского и иудейского. Прототипом христианского священника в этой композиции был убитый боевиками отец Николай Котельников. Мусульмане, с которыми он жил бок о бок, говорят о нём журналистам: «Он погиб как великомученик».

Муфтий Ахмад Абдулаев как всегда мудро оценил происходящее: «Только вчера в обед, мы, поздравляя архиепископа»
(Окончание на 6 стр.)

«Куркакк гьулан совет» СП-йин гьуларин агьалйирихъди гьорюшмиш гьахьну

Улихьна йигъари, июндин 27-ди «Куркакк гьулан совет» СП-йий сход к1ули гьубшну. Душваь Жагът1ил, Куркакк, Вечрикк, Сик1а ва Вартат1ил гьуларин агьалйир иштирак гьахьну. Дурарихъди гьорюшмишдиз райондин глава Мягьямед Къурбанов, райондин депутатин Зейфулла Рашидов, Куркакк СП-йин глава Рамазан Казимов, райондин жюрбежюр тешкилатарин вакилар гьафну.

Мягьямед Къурбановди мялум гьаплнуки, аьхиримжи хьуд йисандин арайиь думу СП-йий 12 миллион манатдин ляхнар к1ули гьухну, гьадму гьисабнаан, «100 мектеб» программийинди Курккарин кьялан мектеб-



дин дарамат рас гьаплну, «Рухьат1» участокдихьан Куркакк гьулахьна, Хючна-Хив трассайихьан Сик1а гьулахьна вуй рякьяр рас гьаплну, мектебдиь «Точка роста» классар албагну, гьуларин кевшанарин артмиш вал программийи-

ди Жагът1ил гьулаь булагъ рас, мектебдин гьвалахъ воркаут-площадка дюзмиш гьаплну.

Сходдин иштиракчйир чпик гьалабалугъ кипру месэлийрихъди Мягьямед Къурбановдихьна илт1ик1- (Аьхир 2-пи машнаь.)

2024-пи йис-хизандин Йис

Метлеб - халкъдин кьиматлувалар уьрхюб



Июндин 30-ди ихь районди халкъарин арайиь вуйи фольклорин ва милли культурайин «Дагълуйир»

к1уру XXII фестивалин рамкйириьди Ингушетия Республикайин яратмиш валин коллектив концертдин про-

граммайихъди хялар гьабхьну. Фестиваль Урусатдин Президент В.Путинди мялум (Давам 2-пи машнаь.)

«Куркакк гьулан совет» СП-ийн гьуларин агьалйирихъди гьорюшмиш гьахьну

(Эвел 1-пи машнаъ.)

нийи. Рякъярин, яни Хив-Хючна рякъюн гьакьнаан, райцентрихъан 5 километр манзилт 1ан адаршра, ужуб дару гьалнаъ айи рякъ вуйивали читинвалар арайиз хурайиваликан гьапнийи. Райондин главайи дурариз Хючнаан 7 километр рякъ ап1бан бадали проектар гьазур ап1уз пул де-ебтнайиваликан гьапну. Думут 1анна савайи, электролинийер аварийный гьалнаъ айиваликан, электроаквар ц1иби вуйивали читинвалар арайиз хурайиваликан, тикмиш дап1найи хуларин документар гьазур ап1бан, спортдин объектар адрувалин гьакьнаан гафар гьап1нийи.

Фарзилат РАЖАБОВА.

Нурулла Рягьимовди гьиву шиклар.



Натийир гьивну, месэлийир дивну

Табасаран райондин яшлуйирин Советдин июлин 2-дизь культурайин Хулаъ к1ули гьубшу заседанийиъ йисандин арайиъ Советди гьап1у ляхнин гьакь-гьисаб гьап1ну ва ге-лежгдиз месэлийир дивну.

Заседанийин ляхнийи Табасаран райондин депутатарин Собраниейин председател Иса Исаев, райадминистрацияйин главайин заместителъ Заур Мусаев, Табасаран райондин Жмяяблугъ палатайин председателъ Аьлимирза Гьасанов, прессайин вакилар иштирак гьахьну.

Табасаран райондин яшлуйирин Советдин председателъ Къумалат Къумалатовди уч духьнайидар ккудубшу вахтан арайиъ гьап1у ляхнихъди таниш гьап1ну. Яшлуйирин Совет райондиъ к1ули гьахру вари серенжемариъ активно иштирак шула, диди чан кьувват ватандаш ислягьвал ва мяслябт уьрхювалина жалб ап1ура, къайд гьап1ну Къумалат Къумалатовди. Гьацира яшлуйирин Советди йишварийин агьвалат ахтармиш ап1ура, гьуларин агьалйирин сходариъ иштирак шула, гьал ап1уб чарасуз лазим вуйи месэлийир гьит1ирккура, жигьиларин арайиъ ихъ халкъдин кьиматлуваларин бинайинди тербия тувбан ляхин гьабхура.

«Яшлуйирин Советдин членари СВО-ийи гьийихдарин ва иштиракчийрин хизанарин месэлийир гьал ап1баз ахью фикир тувра, жюрбежюр циркларийи ва жмяяблугъ уьмрийи тафавутлу гьахь ихъ ватанагьлийир наградириз улупура», - гьапну Къ. Къумалатовди.

Заседанийиъ цци ихъ райондин юбилей лайикълуди къайд ап1уз гьазурлугар гьахбан месэлар гьал



гьап1ну. Думу месэлайиан райондин культурайин управленийин начальник Аьбдулвагъаб Аьбдуловди

мялумат тувну, яшлуйирин Советдин членариз юбилейиз гьазурлугвалин

(Аьхир 3-пи машнаъ.)

Метлеб - халкъдин кьиматлувалар уьрхюб

(Эвел 1-пи машнаъ.)

гьап1у хизандин Йисаз тьаукъ дап1на. «Культура» милли проектдин рамкийрихъди Дагъустандиъ думу фестиваль июндин 29-диан июлин 3-диз к1ули гьубшну. Урусатдин ва СНГ-ийн уьлкьийрин ахью кьадар миллетарин иштираквалиинди к1ули гьубшу думу серенжемдин метлеб халкъарин арайиъ дуствал ва милли культура уьрхюб ву.

Ихъ райондиз Ингушетийин дшагьлийирин «Лоаман оаз» ялхьварин десте гьафну. Дидин руководителар РИ-ийн культурайин лайикълу работник Мадина Байсахарова ва РИ-ийн лайикълу аьртист Исмяил Салтымурадов ву. Думу делегацияийи гьацира Назрановский райондин культурайин Хулан мялийирин устад Адам Оздоев аяи. Делегацияйин руководитель Ингушетийин

халкъдин яратмиш валин Республиканийн Хулан художественный руководитель Асет Аьбдурзаков аяи.

Ингушетийейин вуйи хялариз ихъ райондин тарихи ва юрд аьгью ап1бан музейи Ургур чвуччун ва сар чуччун гьалайин экскурсия к1ули гьубхну. Гьацира хялариз ихъ райондин бицидарин яратмиш ап1бан Хулан работникар декоративно-прикладной искусствойин сянаьтарин шейэрин выставка тешкил гьап1нийи.

Райондин глава Мягьмед Къурбановдин ччвурнахъан ухьухьна гьафи хялар райондин администрацияйин главайин заместителъ Ринат Мирзабалаевди кьаршуламиш гьап1нийи. Дугъу гьапну: «Къавкъаз - му сат1иди вуйи Ватан ву, ихъ культурайиъ сабсиб, ухшаруб гизаф а. Ихъ улихъ дийибгьнайи месэлар саб ву-ихъ на-

слари ухь ина аманат дап1найи ахью кьимат айиб уьхюб ва насларихьна рубкъуб.

Хючна гьулаъ культурайин Хулаъ концертдин программа к1ули гьубшну, сифте хялари, хьасин Бесханум Гюльмягьмедовайи, Арсен Аслановди, Сураят Гьажикеримовайи ва райондин искусствийин мектебдиъ урхурайидари чпин устадвал улупну.

Ихъ райондиз пешкешар вуди, гьунши республикайин вуйи хялари чпин юрдарикан вуйи буклетар ва китабар гьахну. Дурариз жаваб вуди ихъ райондин руководствойи хялариз сувенирар ва ихъ райондикан вуйи китаб тувну. Ингушетийийин вуйи хялар ихъ райондин хайлин ужувлан фикрар к1ваъ ади гьушну.

Фарзилат РАЖАБОВА.

Табасаран райондин администрацияйиъ

Лайикълудар улупну

Табасаран райондин администрацияйиъ «Табасаран район» МР-ин Глава Мягьмед Къурбановдин регьберваликкди наградириз тувбан комиссияйин заседание гьабхьну. Заседанийиъ Табасаран райондин 95 йис хьпахъди аьлакълуди наградириз тувуз гьазур дап1найи материалариз гьилигну. Заседанийин ляхнийи комиссияйин дахилнаъди райадминистрацияйин главайин заместителъ Заур Мусаев, райадминистрацияйин отделедин ва управленийин руководителар, жмяяблугъ тешкилатарин вакилар иштирак гьахьну. Комиссияйин членар Дагъустан Республикайин ва ведомствийирин наградириз улупнайи 16 кандидатдин материалариз гьилигну. Думу материаларин гьакьнаан мялумат администрацияйин аппаратдин руководителин вазифийер вахтанз тамам ап1урайи Имран Мягьмутовди тувну. Наградирихъди лишанлу ап1банди вуйидарин арайиъ муниципалин гьуллугъчийер, образованийин тешкилатарийи, гьулан мяшаддин ва тикилишдин циркларийи, культурайин, сагьламвал уьхьбан идарийирихъди лихурайидар, СВО-ийн иштиракчийер, гизаф бицидар аяи дадийер, меценатар, гьуларин поселенийирин главийер, жмяяблугъ тешкилатарин вакилар а.

«Ихъ ватанагьлийир лихурайи вари цирклар гьисабназ гьадагъуб ва наградириз вуйи материалар, тьаукъ т1алабариз жаваб тувру саягьниинди гьазур дап1ну, республикайин Гьюкуматдин наградириз отделиз вахтнийинди хьтауб лазим ву», - къайд гьап1ну Мягьмед Къурбановди.

Комиссияйин членари Дагъустан Республикайин наградириз 10 кандидатдин материалар тасдикъ гьап1ну.

Варж балл гьадагъдариз 50 агъзур манат тувди

Июндин 25-диз гьабхьи аппаратдин совещанийиъ «Табасаран район» МР-ин Глава Мягьмед Къурбановди 100 балл гьадагъу выпускникариз 50 агъзур манат тувуз жьагьтлувал улупну. Варж балл гьадагъдар райондин терефнаан лишанлу ап1бан гьакьнаан положение тартиб ап1уз райадминистрацияйин главайин заместителъ Заур Мусаевдиз табшуругъ тувну. Му йисан ихъ райондин 100 балл гьадагъдар кьюр выпускник ву: Амина Гьашимова - Рушв'ил мектебдин ва Жигьан Рамазанова - Табасаран райондин Гимназияйин. Дурариз дарсар киву ва экзаменариз гьазур гьап1у урус ч1аллан ва литературайин мялимар Зиявутдин Гьажиевдиз ва Гьаваханум Байрамялиевайиз 25 агъзур манат тувди. Гьацира совещанийиъ иштирак шулайи образованийин управленийин начальникин заместителъ Бахиш Агьмедовдиз ГИА-ийн натийийрин анализ, урхьаб хьуркъувалар гьадагъу медалистар ва отличникар лишанлу ап1бан слет тешкил ап1уз табшурмиш гьап1ну. Думут 1анна савайи, Мягьмед Къурбановди райондин главайин ччвурнахъан вуйи гьарисандин стипендияйин лауреатар тийин ап1уз вуйи комиссияйин заседание к1ули дубхну ккуниваликан гьапну.

У. Къурбанова.

Саб аьсир яшамыш шулайи кас

Гьул. Фу ву думу? Думу вари инсанар сатли апруб, читинвал кайриз хил гьабккруб, яни шадвалра, пашманвалра пай апури, уьмур хьапру инсанар яшамыш шулайи саб бицли ватан ву. Жилин гьарсар касдиз чан гьул, шагьур а. Дугъаз думу варитан гирами дубхьну ккунду. Гьй йиз макъалайин игит Къазимьямед Къазимьямедович Мягьямедов ихь райондин ахью гьуларикан саб вуйи Хюрикк гьулаь варж йис улихьна нежбрин хизандиь бабкан гьахьну (1.07.1924-пи йис).

Багъри гьулан мектебдиь 4-пи класс ккудубклу Къазимьямед Мягьямедов чан гагайихьди ва учьтлан ахью гьардшарихьди чолин ляхнарин лихуз хьогьну. Бицлидихьанмина ляхнин машгьулди вуйи мугъан хил ан фунуб ляхин вушра удукьуйи. «Зегьметну инсан лигим апури» клуруганси, мугъан хизан зегьмет зигруб вуди гьабхьну, гьаддиз думу хизан, нежбер хизан вушра, гьаммишан ипруб ади, буллугьди, читинвал кайи нежбрарин хизанариз кюмек апури, яшамыш шуйи.

Яшар таман гьахьган, Къазимьямед Мягьямедовди чан гьуларикан Гюлселемдихьди хал-хизан ккебгьну. Хайлин йисари сатлиди



яшамыш хьпахьан гьагьйи уьзриан Гюлселем кечмиш гьахьну. Хьасин му Гюлорейгьандихьди эвленмиш гьахьну. Мурарин сатлиди яшамыш шулайи секи хьуцлур йискьан шула. Къазимьямед Къазимьямедовдиз чан багъри веледар адар, Гюлорейгьандин веледар мурариин вахт-вахтарик улукьури шулу. Хьа Къазимьямед Мягьямедовдин гьардшин, мирас-варисдин, гьулардин хизанари му хизандиз гизаф кюмек апури, лигури шулу.

Юбилари гьамци гьапнийи: «Ич гьулаь яшан варитан ахью узу вуза, гьаддиз гьуларандар вари йиз баяр-шубар вуйиз. Чухсагьул чпиз, дуради вари ич хизандин гьюрмат уьбхюру,

учуз хьайивал апури. Магьа гьира мурари, вари уч духьну, йиз варж йис хьпан юбилей кьайд аплбаз бахш вуйи серенжем заан дережайиь клули гьабхура, хьлар кьабул апури. Мутлан ахью шадвал шулинхьа? Гьуларандар гизаф разиди вуза. Хпирира ужуб хьайивал апури. Узу лик диву йишвахь лик диври, му узухьди уьмрин рякьюьди гьагьюра».

Варж йис-му саб аьсир ву. Мукьан йисар варидиз туврудар дар. Къазимьямед Мягьямедов чан ярхи уьмрин гизаф шадди ву. Му зарафтар апури, фунуб суализ вушра дюзи жаваб тувур, гьуларандар арайиь гьюрматлур ву. Дици вуйивал, му серенжемдиз гьушиган, аьгью гьабхьнийуз.

Хайлин мугъан багахьлуири, гьуншйири, мирасари, серенжемдиз гьафидариз ипруб гьазур апури, деуз йишв улупури, гьайгьу зигуйи. Юбилей тебрик апури гьюру гьуларандар юбилариз хайлин пешкешар гьахьнийи.

Къазимьямед Мягьямедов варж йисандин юбилейихьди тебрик апури «Табасаран район» МР-ин Глава Мягьямед Къурбанов ва райондин саб жерге идарийрин вакилар гьафнийи. Мугъан юбилей тебрик апури, Мягьямед Къурбановди ихь уьлкейин Президент В. В. Путинди юбилариз хьтапури тебриккан кагъаз гьурхнийи. Чан терефнаанра Мягьямед Къурбановди юбилар квантан тебрик ва мугъан хьана ярхи, сагьу уьмур хьуб ккун гьаплинийи. Тебриккан гафар серенжемдиз уч духьнайидаридар гьаплинийи.

Ухьура Къазимьямед Мягьямедов чан юбилейихьди тебрик апури.

Угьлангерек АБДУЛКЕРИМОВА,
отделин редактор.

Шиклий: «Табасаран район» МР-ин Глава Мягьямед Къурбановди Къазимьямед Мягьямедов тебрик апури.

Н. РЯГЬИМОВДИ
гьиву шикил.

СВО-ийн игитар

Гьуллугьнаь тафавутлу шула



«Табасаран район» МР-ин Глава Мягьямед Къурбановдин адресназ СВО-ий гьуллугь апураи ихь жигиларин командирарихьан кми-кмиди чухсагьулин кагъзар гьюру. Гьаму нубатнан кагъаз Тинити гьулан агьали, чан хушнинди СВО-ийз душнайи Рустам Матиевди гьуллугь апураи войсковой частнан командирихьан гьафиб ву. Рустам Матиев гьубшу йисан ноябрь вазли чан хушнинди Украинийи нацистарихьан ислягь халкь азад аплбак, чан пай кивуз гьушур ву. Мугьу Донецк халкьдин республикайин Бахмут шагьриь гьуллугь апура. Жикьи вахтан арайиь спецоперацияйи иштирак шули, мугьу учв намуслувалинди гьуллугь апураири вуди улупну. Райондин главайиз мугъан командирихьан гьафи кагъзиь гьамцдар гафар дидиклна: «Гьюрматлу вуйи Мягьямед Сиражутдинович! Ичв ватангьли вуйи Матиев Рустам Зейнутдиновичди, ич мострелковий дивизийи гьуллугь апури, учв чан Ватандин дирбаш, нумуналу ватанперверси улупура. Командованейи лайикьлуди лишанлу, чахьди гьуллугь апураи юлдшарин арайиь ахью гьюрмат гьазанмиш даплина, имбудариз нумуна вуди улупуз шулу. Мугъан намуслу гьуллугьназ ужуб тербияйиз лигну, учвз ахью чухсагьул мялум апурача. Учвз жандин мягькам сагьвал, ахью хьуркьувалар ва клул ин ислягь зав ккун апурача. Гьит гьаму чухсагьулин гафар учвухьна вуйи ахью гьюрматлувалин шагьидар ишри. Гьюрматлувалинди войсковой частнан командование».

Гьелбетда, ихь ватангьлийири гьуллугь апураи частариан гьюру чухсагьулин кагъзари райондин главаси, жигиларин багъри инсанарси, дуради аьгьовалар ва тербия туву мектебдин коллективра, ватангьлийири шад ва уткан апури. Гьит Украинийи нацистарихьди вуйи женгнаь гьуллугь апураи жигиларин адресназ вуйи гафар, дурадикан ухьуз ерхьру хабрар анжа шадвалин ва тярифнан ишри!

Фарзилат РАЖАБОВА.

Натийир гьивну, месэлийир дивну

(Эвел 2-пи машнаь.)

ляхнийи активно иштирак хьуз дих гьаплину.

Заседанийин иштиракчийи ихь республикайи пци 23-пи июндий гьахь террорист гьадисийр тянкьид гьаплину ва ислягьвалихьна дих гьаплину. Яшлуийири ужудар дару гьаракатар дибдиан ашкар апури, ихь диндиз, ихь халкьдин адатариз ва уьмур хьаплибан кьайдайиз хас дару ляхнарин рякь гьадабтлуб лазим ву, гьаплину райондин Жамьятлугь палатайин председател Аьлимирза Гьясановди ва удучлуну гьулху жара ксари.

Райондин депутатарин Собранийин председател Иса Исаевди яшлуийрин Советдиз райондин социална-экономикайин ва политикайин уьмрийи активно иштирак шлувализ лигну чухсагьуз гьаплину.

Заседанийин аьхирий яшлуийрин Советдин 70 йис гьабхь членариз, гизаф йисари жигил наслиз ватанпервервалин тербия тувбан ляхнийи активно иштирак хьпаз лигну, райадминистрацияйин главайин Гьюрматнан грамотийир тувнийи.

Аь. КЪУРБАНОВ.
Н. РЯГЬИМОВДИ
гьиву шиклар.

Судья кванин уьрхбан турнир клули гьубшну

Улихьнаси Чвулати гьулаь Табасаран райондин гьуларин командийрин арайиь мини-футболиан турнир клули гьубшну. Турнир Дагьустан Республикайин Верховный суддин судья Къурбан Аьлягьмедович Пашаев кванин уьрхбаз бахш даплинайи вуйи. РД-ийн Верховный суддин гьуллугьнин думу 2000-пи йисланмина 2007-пи йисаз гьилихну (2007-пи йисан 11-пи декабрь думу йивну гьаклну). Думу турнир Табасаран райондин администрацияйи ва Къурбан Пашаевдин багахьлуийри тешкил гьаплину.

Турнир ачмиш аплибан серенжемдиз райондин администрацияйин главайин заместитель Заур Мусаев, администрацияйин спортдин ва туризмийн ляхнариз лигури тешкилатдин клули пишекар Вадим Рашидов, 3-пи нумрайин ДЮСШ-ийн директор Садик Уьманов ва Кь. Пашаевдин багахьлуийр, гьуларандар иштирак гьахьну.

Серенжем ачмиш апури, Заур Мусаевди турнирин иштиракчийири хьуркьувал хьуб ккун гьаплину, Къурбан Пашаевдин адресназ хайлин мани гафар гьаплину.



турнир тешкил апури ва клули гьабхуз кюмек аплибз лигну, судьяйин бай Малик Пашаев ва хтул Заур Амирасланов райондин главайин ччурнахьан вуйи Чухсагьулин кагъзарихьди лишанлу гьаплину.

Мини-футболиан командийир дестийриз жара ва гьарсаб командайи тмуну командайихьди уйнамиш гьаплину. Сабпи полуфиналий Ччулати ва Урзигь гьуларин командийири уйнамиш гьаплину ва

(Аьхир 8-пи машнаь.)

Спорт

Цийи республикийриан вуйи урхурайидар Табасаран райондиз хялар гъахъну



Мялум вуйганси, спец-операция кӀули гъабгъорайи цийи республикийрин мектебарий урхурайидарикан хайлиндари Урусатдин жорбежор регионарий ерлешмиш духънайи лагерарий рягътвал йивура. Думу бицӀидариз улькеийн тарихдин йишвариз экскурсийир, дурарихъди спортдин ва жара жорбежор серенжемар кӀули гъахуру.

Запорожский областдин вуйи 30 урхурайир ва дурар хъади гъафи 3 тербиячи 25-пи июндий ихъ райондиз хялар гъахъну.

2024-пи йисан Дагъустандин гъюкуматдин технический университет РФ-ийн образованиийн илимдин министерствойина бицӀидарин ва жигъиларин Вариурусатдин жямаябтлугъдинна-гъюкуматдин «Садпидарин Гъаракат» тешкилатди сатӀиди уьмрий юрутмиш апӀурайи «Университетарин наслар» Федералин проектдин уртагъ гъабхъну.

БицӀидар хъади гъафи университетдин тербияийнна-социалин ляхнин проректор Румина Аьшурялиевайи къайд гъапӀганси, чпи хъади дуннайи бицӀидарин смена 10 йигъан давам хъибди. Думу вахтан арайий дурариз мастер-классар, мина-тина гъагъбан экскурсийир, культура аьгъю апӀбан серенжемар

тешкил апӀиди.

Запорожский вуйи урхурайидар Римчраригъ, тарихдинна-юрд аьгъю апӀбан музейий экскурсияий гъахъну, дурариз ихъ райондин культурайикан, уткан йишварикан ктибтну, халача убхувалин жини сирарикан ихтилатар гъапӀну. Ургур чвуччун ва сар чуччун гъалайин «Дагъустандин къийсир» тамашайин пай кӀули гъубшну. Думу бицӀидарихъди райондин администрацийин главайин заместитель Заур Мусаев гъююшмиш гъахъну, дурарихъди ихтилатар гъапӀну ва гъюру йисанра ихъ райондиз гъюз теклиф дивну.

Гъачай, ккудубшу аьсрин сабпи гъацӀ кӀваин апӀухъа. Думуганра ихъ улькеийи Ватандин Аьхю дьвдин гъизгъин гъаракатар кӀули гъагъорайи. Думу дьвдин цийир ихъ ульке вуйибси гъадаргъийи. Фашист чапхунчийир алархъу ва дурарихъди дьвдин женгар гъахурайи гъуларий, шагърарий яшамий шулайи яшлуийир, бицӀидар, дишагълийир, душварин гъергри, женгар гъагъру йишварихъан ярхла гъулар-шагърариз гъагъюри гъахъну. Бегъемди фун абцӀуз ипӀруб, мани хъайиз алабхъру палат адру думу читин йисари урус ва жара

тувуб аьхюдари, чпи дирпӀди, чпин бицӀидариз тувуйи, хъа аьхюдари уклар утӀури, гъадрарин лавшарстар алахъури, уклан аш гъазур апӀури, ипӀлуйи. Дурарикан хайлиндар аьхълу ва гашу йикӀуйи. ГъакӀидар накъвдик кивуз гъулаъ жилижви дихъурдайи».

Ватандин Аьхю дьвдин читин йисарикан вуйи ихтилатар дурарин ккудукӀурдайи. Гъи, ихъ улькеийи Украинаий спец-операция кӀули гъабхурайиган, дьвдин женгар ухъхъан хайлин ярхла вушра, дьвдикан яшлуийрин ихтилатар кӀваин апӀури, «думу цийи республикийрин агъалйири хъана дьвдин дарвалар фици аьгъ апӀурайкӀан?» кӀуру фикрари сикинвал тувурдар. Ав, гъадму йисариси, гъира, нацистари дурарин гъулар, шагърар ккидирчура, саб жюрейин тахсир адарди, ислягъ инсанар йихура, аьсраринди чпи, чпин



миллетарин агъалйир ихъ райондин гъуларизра гъергну гъюри гъахъну.

Думу йисари, 25-30 йис яшнаъ ади, дьвдин вари дарвалар аьгъ гъапӀу ич гъунши Мина, Сафри, Гъалимат, Зарха бабарий гъамци кӀури шуйи: «Урусатдин ихъ йишвариз дьвдин женгарихъан гъергну гъюрударин жергъийр аьхюдар вуйи. Бегъемди палат алдру бицӀидар, гашвалиан амандиан адахънайи яшлуийир, гъуларин гъирагъдихъ деуб-гъуджувуб апӀури, чпиз ипӀруб абгури шуйи. Дурарин язухъ дубхъну учуз айибдикан цӀицӀиди туври шуйча. Уч

аьхю абийир яшамий гъахъи ва шулайи багъри йишварин гъергну гъагъюз дурар мажбур апӀура. Магъа, ипӀруб ча кӀури гъилигуз даршра, душварин вуйи бицӀидар гъергну ухъухъна дунна. Дюз гъапиш, думу дьвдин йисарин бицӀидаринна гъаму вахтан бицӀидарин арайий аьхю фаркъвал а: гъамус спец-операция гъабгъорайи йишварин вуйи баяр-шубарин гъагъушнаъ гъюкумат а. Дурарин дуланажагъдиз вари шарайтар яратмиш дапӀна. Хъа вушра...

Угълангерек
АБДУЛКЕРИМОВА.

Олимпиадайиъ приздин йишв гъибисну



Улихънаси Урусатдин вузарин дефектологияийн факультетарий урхурайи студентарин арайий Президентдин платформайин «Урусат-мумкинваларин ульке» Федералин олимпиада кӀули гъубшну. Думу олимпиадайиъ иштирак гъахъи 8000 студентдин арайий Р. Гъямзатовдин ччвурнахъ хъайи Дагъустандин Гъюкуматдин педагогвалин университетдин студентарра а. Думу олимпиадайиъ ДГПУ-ийн студентар вуйи Ася Зайнадинова гъалиб гъахъну, Патимат Шаниевайи ва ихъ ватанагъли Динара Къурбановаийи приздин йишвар гъазанмиш гъапӀну.

Динара Къурбанова ихъ райондин ТӀивак гъулан агъалин ву. Думу Республикайин «Абилимпикс» чемпионатдин гъизилин ва арсран призер, «Урусат-мумкинваларин ульке» Президентдин платформайин «Узу-профессионал» Федералин олимпиадайин финалист ву. Мугъу ДГПУ-ийн (дефектологияийн) специальный факультетдин 3-пи курснаъ заан къиматариз аьгъювалар гъадагъура. Урхувал ккудубкӀиган, ТӀивак гъулан къялан мектебдий мялим-логопедди лихуз къастар а. Гъит жигъил шуран кӀваъ айи къастар кӀулиз удучӀври.

Фарзилат
РАЖАБОВА.

Шиклий: Динара Къурбанова.

Урхурайидариз культурайин фестиваль кӀули гъубшну

Июндин 27-29-ди «Пушкинская карта» программа уьмрий юрутмиш апӀбан рамкйириъди ихъ райондин мектебарин заан классарий урхурайидариз культурайин фестиваль кӀули гъубшну. Думу программа ихъ райондиз 2022-пи йисланмина кӀули гъабхура, хъа цийин йисан дидий агъзурилан зина урхурайидар иштирак гъахъну. Серенжем Табасаран драмтеатрин, Табасаран райондин тарихдинна-юрд аьгъю апӀбан музейин, Къасум Мягъямедовдин ччвурнахъ хъайи райондин бицӀидарин искусствйирин мектебдин кюмекнинди тешкил гъапӀну. БицӀидарин яратмиш апӀбарин Хулан пишекрари, душварин заан активвал улупну.

Серенжем Ургур чвуччун ва сар чуччун гъалайин кӀули гъубшну. Серенжемдин



программайиъ Ургур чвуччун ва сар чуччун гъалайин тарихдихъди таниш хъуб, райондин тарихдинна-юрд аьгъю апӀбан музейиз экс-

курсия, райондин бицӀидарин яратмиш апӀбарин хулан пишекрари тешкил гъапӀу декоративно-прикладной искусствйин сянъябарин вы-

ставка, мастер-классар айи, райондин бицӀидарин искусствйирин мектебдий урхурайидари музыкаийн милли алатарин мукъмар гъивну ва

халкъдин ялхънар гъапӀну. Табасаран халкъдин драмайин театри бицӀидариз «ИнтӀи швушв» зарафатнан, швушван ва сижарин арайий шулу чиб-чпихъна вуйи гъаракатарикан спектакль улупнийи. Серенжемдин программа ихъ халкъдин машгъур артистари мягълийир ва ялхънар апӀбинди давам гъапӀнийи.

Райондин глава Мягъямед Къурбановди къайд гъапӀганси, «Пушкинская карта» программа уьмрий гъаятназ кечирмиш апӀбинди ихъ халкъдин культурайихъна ва тарих аьгъю апӀбахъна аьхю шулайи насларин гъевес артухъ апӀубтӀан савайи, аьгъювалар артухъ апӀузра аьхю кюмек тувру.

Фарзилат
РАЖАБОВА.

Яракълу Къуватарий гьуллугъ аплуз гьушну



Июндин 27-ди ихъ райондиан хьадукран призывдин компанияйн рамкйиритди 6 жигьил РФ-ийн Яракълу Къуватарин жергйирит чпин ватандаш'валин буржи тамам аплуз гьушну. Жигьилар Яракълу Къуватарин жергйирит гьауз

думу йигъан военкоматдин пешекрар, абйир-бабар, райондин администрацияйн главайин жямаятлугъ хатласузвалин заместитель Ренат Мирзабалаев дуфнайи. Дугъу чан улхбаъ гьапнийи: «Ватан уьхьюб ихъ гьарсар ватандашдин

гьюрматлу буржйиркан саб ву. Узу умудлу вуза, учвур, эскервалин гьуллугънаъ лазим вуйбвари аьгью дапну, гьудуркьу жигьилар духьну, ичв хизанариз къяляхъ гьидичва».

Райондин военный комиссар Садикъ Мурядалиевди гьапиганси, ккудушу йисариси, ццира хьадукран призывдин компания июлин 15-диз давам хьибди.

Призывдин компанияйн рамкйиритди Яракълу Къуватарий гьуллугъ аплуз гьушдар СВО-ийиз гьаидар.

**У.Къурбанова.
Нурулла
Рягъимовди
гьиву шикил.**

ДВИГАТЕЛЬ ИНТЕРЕСА	РИС + БАРАНИНА	1/90 ПРЯМОГО УГЛА	СТАНОЧНИК	ГРЕЧЕСКИЙ БОГ СНА	ЗНАТОК И СПЕЦ	ГОЛОВКА СПИЧКИ
СУДОВАЯ СЕТЬ	ОТДЫХ ТРУДЯГИ			ЛОНДОНСКИЙ ТУМАН		ВАТАГА ПОЮЩИХ
ВОКАЛ БУБЕНЦОВ	1	СЕРБСКИЙ ХОРОД		ЕДИНИЦА ЧАСОТ		ВИД ПОЛБЫ
2						
ТЕСНОЕ ОБЩЕНИЕ	ПОЛОСА НА ГАЛИФЕ	КУПОЛ ОТ ДОЖДЯ				
ЭКСТАЗ МЕДИУМА	СТИХИ ОТ БЕЗДАРИЯ	СЕНОКОС НА КУБЕ	«(1) – единственное, что имеет (2). Единственное, что вечно. Ради нее стоит бороться. Ради нее стоит даже умереть».			
КОВРОВАЯ ШЕРСТЬ	ВЫСШЕЕ ОБЩЕСТВО	КРЫЛАЯ ПОВОЗКА	КОЗЫРЬ ПРОТИВ УЛИК	БОЧОНОК ДЛЯ ПИВА	КОРОНА ПОНТИФИКА	
ЗАНЯТИЕ НА КОЛЬЦАХ						
САМОЕ ГЛАВНОЕ	ГОРИЗОНТАЛЬ И ...	СОЧНАЯ ГРУША				...ДОЛГУНЕЦ
		ВЕЛИКАН				

К сведению депутатов Собрания депутатов муниципального района «Табасаранский район» Республики Дагестан седьмого созыва

05 июля 2024 года в 10:00 часов в зале заседаний администрации МР «Табасаранский район» состоится очередное тридцать девятое заседание Собрания депутатов МР «Табасаранский район» РД с повесткой дня:

1. О внесении изменений в Устав муниципального образования «Табасаранский район» Республики Дагестан
2. Об утверждении ключевых показателей эффективности деятельности Главы муниципального района «Табасаранский район» Республики Дагестан и инвестиционного уполномоченного муниципального района «Табасаранский район» Республики Дагестан.
3. О принятии в муниципальную собственность и постановке на баланс администрации муниципальному району «Табасаранский район» Республики Дагестан объектов недвижимого имущества
4. Разное.

**Председатель
Собрания депутатов
МР «Табасаранский район»
Республики Дагестан
И.А.Исаев.**

Судья к1ваин уьрхбан турнир к1ули гьубшну

(Эвел 3-ий машнаъ.) тамаша 1:1-гьисабниинди ккудубк1ну. Пенальтийиъ Урзигъарин команда гьалиб гьабхьну. Кыюбпи полуфиналиъ Ягъдигъарин ва Гурхъарин командйири уйнамиш гьаплну, 2:2-гьисабниинди ккудубк1ну, пенальтийиъ Ягъдигъарин команда гьалиб гьабхьну. Шубубпи йишв бадали Чвулт1арин ва Гурхъарин командйири уйнамиш гьаплну, натижайиъ 7:1-гьисабниинди Гурхъарин команда гьалиб гьабхьну. Финалиъ Ягъдигъарин ва Урзигъарин командйири уйнамиш гьаплну ва 2:0-гьисабниинди Ягъдигъарин мини-футболн жигьил команда гьалиб гьабхьну. Гьаци, му турнириъ уйнамиш гьаплу коман-



дйирин арайиъ сабпи йишв Ягъдигъарин, кыюбпи йишв Урзигъарин, шубубпи йишв

Гурхъарин командйири гьадагъну. Турнирин тешкилатчйири

гьалиб гьахьи командйир кубкйирихъди, медаларихъди, жюрбежор дережйирин дипломарихъди, пешкешарихъди лишанлу гьаплну.

Къурбан Пашаевдин хтул Заур Амраслановди, гьалибчйир тебрик аплури, дурариз чухсагъул мялум гьаплну ва мициб к1ваин уьрхбан турнир гьарисан к1ули гьабхуз планламиш дап1найиваликан гьапну.

**Угьлангерек
АБДУЛКЕРИМОВА.**

К1ваант1ан чухсагъул к1ура

Улихьна йигъари «Табасарандин хабрар» сайтдиъ «Табасарандин нурар» газатдин редакцияиъ лихурайиъ Гюльнара Мягьямедовайн кагъаз чап гьаплну. Дидик гьамцдар гафар дидик1на: «Июндин 23-ди йиз багъри инсанарихъди, багъри Жвулли гьулаъ рягъявал гьадабгъурайиъ вахтна, аьдат вуйиси, чайра дубхьну, табиабтдин гьорчегвалариз тамаша аплури, сейир аплурайча. Хьа хулаз дуфну, ц1иб вахт гьабгъайиз, жандин гьял дигиш хьуз, ущрувал гьисс аплуз хьюгъча, сар узуси, ич дестейиан сар-швнурсана. Сифте фикир тутрувди имича, хьасин къяляхъ-къяляхъ уьзур артухъ шулайи вахтна райондин

больницайиан тяди кюмекназ дих аплбанди гьахьнийча. Жандин гьял ч1ур дубхьнайидар сар-швнур вуйиган, тяди кюмекназ кыюб машин гьауб ккун гьаплнийча. Учутяди кюмекназ зенг дап1ну 40 даккйкьа гьябгъайиз, райцентриан духтраар хьади машина хьуркьнийи. Хьа райцентриан ич гьулаз дагълу рякъяригъди 15 километр манзил а. Сабпи кюмек тувну, учу райондин больницайиъ хьади гьушнийи. ЦРБ-ийн ужуб квалификация аийи духтраарин бригадайи, учу гизаф вахт гьябгъайиз аьдати уьмрихьна гьахнийи. Думутяди кюмекназ бригадайи иштиракчйириз (гьайифки, ччвурар аьгъдариз, ччвурар гьерхуз шлу гьялнаъ адайза),

аьхю чухсагъул мялум аплуз ккундузуз. Хьа сагъламвал мяюгкам аплбан бадали, реанимацияиъ китнийи. Душваъ учуз намуслувалийинди чпин буржйир тамам аплури, кюмек туву духтур-реаниматолог Сабир Аьзизовди, медестрийир Эльмира Ханмягьямедовайиз, Бесханум Небиевайиз, Гюльбагъар Гьясратовайиз, санитаркйир Гюлейбат Геревайиз йиз ва йиз багъри инсанарин терефнаан райондин больницайин к1улин духтур Абсеретдин Мирзабегов к1ули ади аьхю чухсагъул мялум аплуз ккундузуз. Гьит Аллагъди учву, лизи халатар хьайи инсанар, вари ч1урубдихьан ярхла аплри».

Фарзилат РАЖАБОВА.

Къурхуллу цифра

Дагъустан Республикайин ругарийн цци июндин 24-диан 30-диз машинарин аварйиритъ 7 кас кечмиш, 64 касдиз зийнар гьахьну.

(Ответы на сканв. № 26.)

И	К	С	Е	С	С	И	Я
Г	А	Р	Н	А	Е	Х	
Л	О	М	О	С	Т		
К	У	С	Т	Б	Т	Ь	М
О	Е		Х	О	Р	О	И
Р	Е	Й	К	А		П	Е
П	Ф	О	Т	О		К	И
У	Р	А	П	А	Н	А	А
С	Е	М	Я		Ы	Н	К
		Г	Т	Е	С	Ь	М
Ш	А	Б	А	Ш		П	Е
И	О		А	Л	Л	Е	Л
Ш	Т	А	Н	Г	А	В	Н
К		О		Р	О	К	О
А	С	С	О	Л	Ь	А	Ж

Учредитель:
Администрация МР
«Табасаранский район».

Главный редактор
И.М. Яралиев.
Табасаранский язык.

Позиция редакции может не совпадать с точкой зрения авторов, которые несут ответственность за достоверность и объективность представленных для публикации материалов. Рукописи не рецензируются и не возвращаются.

Газета зарегистрирована Управлением Федеральной службы по надзору в сфере связи и массовых коммуникаций по РД от 12.12.2008 г
Регистрационный номер: ПИ № ФС 05-0013.
Цена - 8 руб.

ИНДЕКС-51375.
Адрес редакции и издателя: 368650.РД, Табасаранский район, с.Хучни, «Редакция газеты «Табасарандин сес» («Голос Табасарана»)
Срок подписания в печать по графику - 17.00
Подписано в печать - 17.00

Телефон:
Главного редактора - 8-967-390-76-85.
Адрес электронной почты: golostab@mail.ru

Газета набрана и сверстана на базе компьютерной техники МБУ «Редакция газеты «Табасарандин сес» и отпечатана в ООО «Типография -М» 368600, г. Дербент, ул. С. Курбанова, 25.
По всем вопросам качества печати обращаться в типографию
Тираж 1967
Заказ №